

Oqaluuserisassanut nassuiaat.
(Inatsisartut Siulittaasoqarfiat)

Siulittaasoqarfiup ullumi aalajangerpaa immikkoortut 110, Suliniutini angisuuni illuliortiternernik sanaartornernillu suliasat pillugit Inatsisartut inatsisissaannut nr. xx, xx. xx 2012-meersussamut siunnersuut
aamma

113, Alcoap suliniutaa pillugu aalajangiiffigisassatut siunnersuut, aqagu ulloq 18. oktober oqaluuserineqartussaagaluartut marlunngornermut ulloq 23. oktoberimut nuunneqassasut immikkoortutullu siullertut oqaluuserineqarlutik.

Ataasinngorneq ulloq 22. oktober immikkut ataatsimiiffiussaq. Ataatsimiinneq nal. 13:00 aalartissaaq immikkoortullu 111, Inuussutissarsiummik ingerlataqarneq pillugu Inatsisartut inatsisissaannut siunnersuut
aamma

112, Aatsitassat pillugit ingerlatallu tamatumunnga pingaarutillit pillugit Inatsisartut inatsisatta allannguuteqartinneqarnissaa pillugu Inatsisartut inatsisissaannut nr. 7, 7. december 2009-meersussamut (aatsitassanut ikummatissanullu inatsit) siunnersuut oqaluuserineqassallutik. Immikkoortut 111 aamma 112 marlunngornermi ulloq 23. oktober oqaluuserineqartussaagaluarput.

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq qinnuteqarpoq imm. 94-ip Atuarfik pillugu Inatsisartut inatsisissaattut siunnersuutip aappassaaneerneqarnissaata kinguartinneqarnissaanik.

Siunnersuutigineqarpoq imm. 94 ulloq 6. november aappassaaneerneqassasoq 14. november pingajussaaneerneqarluni.

Inatsisinut Ataatsimiititaliaq qinnuteqarpoq imm. 16-ip Kommunini illuuteqarnermik ingerlatseqatigiiffiit pillugit Inatsisartut inatsisat nr. x, xx-ip xx-anni 2011-meersussatut siunnersuutip piffissaligaanngitsumik kinguartinneqarnissaanik.

Immikkoortoq ulloq 8. november aappassaaneerneqarlunilu 15. november pingajussaaneerneqartussaagaluarpoq.

Piffissami ullumi oktobarip 17-aniit 18-at ilanngullugu Inatsisartunut ilaasortat Aleqa Hammond, Siumut aamma Kuupik V. Kleist, Inuit Ataqtigiit aamma Malik Berthelsen, Siumut aamma Andreas Uldum, Demokraatit kiisalu Doris Jakobsen, Siumut aamma Debora Kleist, Inuit Ataqtigiit taasisarnerit pillugit isumaqtigiissuteqarput.